

Svar på høyringa om samanslåing av ungdomsskulane i Masfjorden.

Me ynskjer å komme med innspel til høyringa om samanslåing av ungdomsskulane i Masfjorden, med vekt på at Matre Skule vert slått saman med Nordbygda/Sandnes eller Brekke.

- Lengre skuleveg = trøytte elevar.
Ein del elevar får veldig lang skuleveg, over ein time kvar veg. Det vil sei at elevane må starte skuledagen endå tidlegare og sluttar dagen endå seinare. Dette vil nok føre til trøytte elevar, og det kjem til å gå ut over fritid og fritidsaktivitetar. Uansett er over ein time skuleveg kvar veg, alt for lenge.
- Mobbing i bussen på den lange skulevegen.
Bussen er ei "fin" anledning for mobbarane å drive "virksomheten" sin, då her ikkje er nokon som passar på elevane.
- Dårleg vegnett.
Vegen Haukeland-Matre-Haugsvær-Solheim-Furebotn og så Masfjordvegen til Nordbygda/Sandnes er ekstremt dårleg, med smale vegar, holete og mykje svingar. Det samme gjeldt partiet Instefjord til Brekke. Dersom elevar er plaga med å bli bilsjuke, gjer ikkje den lange og dårlege vegen verken ein god start eller slutt på dagen for desse.
- Elevar med farleg skuleveg.
Med samanslåing, der ungdomsskulen på Matre forsvinn, må elevane i Trodalen krysse hovudvegen (E39), for å ta bussen til Nordbygda/Sandnes eller Brekke. Dette er eit så farleg kryss at det er uaktuelt å la elevane gå over vegen, pr i dag skal Masfjorden Kommune ha eit alternativt tilbod til elevane i Trodalen når dei skal heim frå skulen. Det må kommunen også ha om bussruta til skulen skal gå motsatt veg.
- Skulemiljø.
Korleis vert skulemiljøet for dei klassane som vert att på skulen etter at ungdomsskulen forsvinn? Og vert skulemiljøet på den samanslåtte ungdomsskulen så mykje betre når halvparten av elevane har reist i godt over ein time for å komme seg fram?
- Attraktiv stad å bu?
Når ein familie ynskjer å flytte, vil dei aller fleste sjå på tilbodet om barnehage, skule og jobb, før ein bestemmer seg for kvar ein vil flytte. Dersom ungdomsskulen på Matre er flytta til Nordbygda/Sandnes eller Brekke, vil nok det ha ei stor innverking på tilflyttinga i Indrefjorden. Mest sannsynleg vil det vere negativt for tilflytting i alle ytre strøk i kommunen.

- Færre arbeidsplassar.

Ein skule utan ungdomsskule betyr færre arbeidsplassar. Kva skjer med undervisningstilbodet til 1-7.kl når mange av lærarane har blitt flytta til ein annan skule?

Mvh

Solveig Grimsland og Tore Trodal